



# Qib 2 Kev Kawm Lus Askiv

## Cov Hom Phiaj Tseem Ceeb rau Qib Kawm No

### Nyeem Ntawv

- Cov tub/ntxhais kawm ntawv yuav nyeem cov phau ntawv raws qib kawm kom to taub thiab npliag.
- Cov tub/ntxhais kawm ntawv yuav mob siab ua tib zoo saib rau cov uas piav txog kom ntxaws ntxaws, nrog rau cov duab uas nyob rau hauv cov dab neeg thiab cov phau ntawv kawm los teb rau cov lus nug tias leej twg, dab tsi, qhov twg, thaum twg, vim licas, thiab yog ua licas.
- Cov tub/ntxhais kawm ntawv yuav txiav txim seb sob lus kawm lossis lub ntsiab tseem ceeb ntawm cov dab neeg seb yog licas, cov dab neeg uas tsim los qhia ib qho kev kawm, thiab cov dab neeg pug thaum ub (fables and folktales).
- Cov tub/ntxhais kawm ntawv yuav siv cov ntawv sau los qhia ua tej twb toom (xws li, cov ntawv sau hauv qab daim duab, cov ntawv sau pom loj dua ntais, cov ntawv uas sau rau tom qab zaj dab neeg) kom paub nrhiav cov ntsiab lus tseem ceeb lossis cov ntaub ntawv uas qhia kom meej.

### Sau Ntawv

- Cov tub/ntxhais kawm ntawv yuav paub sau txog kev xav rau ntawm ib phau ntawv uas lawv nyeem tag, siv cov kev piav tseem ceeb los ntawm cov kev kawm los txhawb rau qhov kev xav ntawd.
- Cov tub/ntxhais kawm ntawv yuav sau cov dab neeg luv luv kom muaj tej xwm txheej uas tshwm sim ua ntu zus nyob rau hauv xws li thaum pib, txog nrab thiab thaum kawg.

### Kawm Lus

- Cov tub/ntxhais kawm ntawv yuav txiav txim seb lo lus tshiab txhais licas yog thaum muaj ib lo lus uas nws paub es sau nyob rau pem hauv ntej lossis nram qab ntawm lo lus uas muab ntxiv nrog rau los lus uas paub ntawd (happy/unhappy; pain/painful/painless).
- Cov tub/ntxhais kawm ntawv yuav muaj peev xwm tsim tau, nthuav dav, thiab rov muab cov kab lus kho dua raws li ntawm cov uas nyeem, txoj haujlwm thiab yog ua licas.

### Hais Lus thiab Mloog Lus

- Cov tub/ntxhais kawm ntawv yuav koom rau ntawm kev sib tham lus los ntawm muab nws qhov kev xav licas mus txuas rau lwm tus cov kev xav thiab nug thiab teb cov lus nug kom paub muab tej ntaub ntawv ntxiv lossis to taub tob dua rau ntawm lub ntsiab lus.
- Cov tub/ntxhais kawm ntawv yuav rov qab muab cov ntaub ntawv ntsiab lus saib dua lossis muab cov tswv yim los ntawm tej media lossis cov ntawm nyeem kom nrov.



## Qib 2 Kev Kawm Lus Askiv

### **Npaj Txhij rau Kev Kawm Qib Siab, Kev Ua Haujlwm, thiab Lub Neej**

Cov tub/ntxhais kawm ntawv yuav ua kom tsim tau cov peev xwm li hauv qab no rau ntawm kev nyeem ntawv ntawm tus kheej:

- Qhia tau tias tus kheej ua tau.
- Tsim kev paub zoo ruaj khov.
- Teb rau cov kev xav tau ntawm cov neeg tuaj saib, tes haujlwm, lub homphiaj, thiab kev qhuab qhia.
- Muaj kev paub zoo ib yam nkaus li kev thuum.
- Saib tej pov thawj muaj nqis.
- Siv cov cuab yeej technology thiab digital media kom zoo thiab tsim nyog.
- Los nkag siab txog lwm tus txoj kev pom thiab kev cai (cultures).

### **Kuv Yuav Txhawb Pab Kuv Tus Menyuum Tau Licas?**

#### **1. Nyeem Ntawv Nrog Koj Tus Menyuum**

- Rau siab ntso nyeem ntawv rau koj tus menyuum. Nws tseem ceeb heev uas los xyaum nyeem ntawv txuas ntxiv rau koj tus menyuum txawm hais tias tom qab uas nws twb txawj nyeem nws tus kheej lawm. Nyeem ntawv dab neeg, paj huam, thiab lwm yam ntawv uas yog tsis hais hom lus twg.
- Mloog koj tus menyuum nyeem rau koj thiab sib hloov ib leeg nyeem ib zaug uake.

#### **2. Tsim Kom Muaj Cov Lus uas Siv Hauv Lub Neej Txhua Hnub**

- Tsim kom muaj cov peev xwm kev mloog thiab cov lo lus los ntawm koj tej kev ua txhua hnub. Tham txog seb koj ua dab tsi thaum uas koj ua zaub ua mov noj, tsav tshab, mus tom khw lossis mus saib tej thaj chaw tshiab.

#### **3. Cia Kom Muaj Kev Nyuab Kev Tawm Tsam**

- Tsis txhob cuam tshuam koj tus menyuum kev nyeem ntawv yog yuam kev dhau ntawm qhov tias nws hloov txhais tsis mus zoo ib yam.
- Pab koj tus menyuum xyaum hais cov suab kom tawm rau cov lo lus tshiab thiab cov lo lus uas nyuaj.

#### **4. Kawm Cov Lo Lus Uake**

- Thaum uas koj tus menyuum pib nyeem ntawv tau nws tus kheej, qhia cov lus tshiab thiab xyaum hais kom tau cov lo lus ntawd kom meej.
- Thaum uas koj tus menyuum twb nyeem ntawv tau lawm, qhia qee ntus ntawm lo lus uas tseem ceeb rau qhov uas txhais licas, xws li “un(tsis)-”, “-full(puv)”, thiab “-less (tsawg)”

#### **5. Tham Txog Kev Nyeem Ntawv**

- Tham txog cov neeg thiab cov xwm txheej uas tshwm sim hauv nyob hauv zaj dab neeg. Nug koj tus menyuum txog cov kev sib raug zoo ntawm cov neeg nyob hauv zaj dab neeg, seb ib tug neeg hauv yuav daws teebmeem licas, lossis muaj dab tsi tshwm sim rau thaum pib, thaum txog nrab, thiab thaum kawg.
- Tsim kev peev xwm txog kev sib piv. Nug tias seb tus neeg los sis hom kev kawm hauv ib phau ntawv kawm ho sib thoog lossis sib txawv licas los ntawm lwm cov phau ntawv uas koj tus menyuum tau nyeem lawm.
- Tom qab uas nyeem ntawv tag, nug koj tus menyuum kom qhia seb nws nyiam lossis kawm tau yog dab tsi.
- Tham txog tus kws sau ntawv lub tswv yim. “Puas yog nws xav qhia peb txog ib qho kev kawm hauv zaj dab neeg?” “Nws ua licas kom peb muaj txoj xav?”
- Hais kom koj tus menyuum qhia seb nws nyiam qhov twg tshaj thiab qhia tias yog vim licas. Tham seb cov phau ntawv nyeem twg yog cov uas ke nyiam ke xav es thaum kawg mam paub tias vim licas, cov phau ntawv twg yog cov uas sau txog mus ncig rau ntau qhov chaw txawv, lossis lwm yam ntawv nyeem.
- Tham txog cov ntsiab lus tseem ceeb uas piav nyob rau hauv cov phau ntawv qhia txog ntaub ntawv ub no. Nug koj tus menyuum kom piav txog qhov uas sib txheeb ntawm ob lub tswv yim lossis yam kev piav hauv phau ntawv kawm.
- Tham txog cov ntaub ntawv uas piav los ntawm cov duab uas muab thiab kos raws li kev sib piv ntawm cov ntaub ntawv los ntawm cov lo lus qhia hauv phau ntawv.

#### **6. Txhawb Kom Nyiam Nyeem Ntawv**

- Nrhiav cov phau ntawv nyeem uas muaj cov ntsiab lus koj tus menyuum nyiam.
- Muab kev nyeem ntawv uake ua ib lub hwm tsam uas zoo sijhawm lom zem uake.
- Ua kom kev nyeem ntawv yog kev lom zem ib feem rau koj tus menyuum lub neej txhua hnub.

---

Yog xav paub ntxiv, mus saib ntawm [scusd.edu/ela](https://scusd.edu/ela) lossis hu rau [Denise-Leograndis@scusd.edu](mailto:Denise-Leograndis@scusd.edu), ELA Coordinator

SCUSD lub Zeem Muag rau Kev Qhia Ntawv thiab Kev Ntsuam Xyuas: *Raws li yog ib pawg neeg kawm, peb sib zog tsim kom muaj cov chaw zoo thiab muaj kev sib koom tes uas yog lub hauv paus qhia ntawv rau tub/ntxhais kawm ntawv. Cov xibfob siv cov kev qhia raws li ntawm lub hauv paus thiab cov kev ntsuam xyuas uas xyaum koj los txhawb TAG NRHO cov tub/ntxhais kawm ntawv kom paub tab thiab koj tau zoo.*